

鄱縣志

營建

食貨

冊二第

鄆縣志卷五

知縣事中江林愈蕃纂修

營建志上

區域既畫而建置興焉夷攷亶父遷豳迺疆迺理後卽召司空司徒而作廟冢土諸務周爰執事則知一邑既定而城池宮室廟祀壇壝以及津梁郵遞防汛皆於是乎在固不得而略也因志營建而凡屬在工作者咸以類附焉

城池

宋寧宗嘉定四年黑風峯寇既平湖南安撫使曹彥約請

鄆縣志

卷之五

營建志

城池

一

於地里濶遠處增置郡邑以控制之乃分茶陵之東南康樂霞陽常平三鄉地爲縣城池無考明正德六年辛未流寇爲害知縣陳釗始議版築門以木欄十二年通判李文明指揮彭寶知縣陶璐乃甃以磚易木欄以石未竣其事嘉靖二年知縣易宗周始營繕訖工城高一丈週四百八十丈合二里六分零凡四門東曰宏文西曰安濟南曰迎恩北曰鎮武門上有樓磚砌瓦覆規制古樸明季流寇蹂躪圯頽殆盡康熙三十一年知縣龔佳蔚倣依舊址修築土城其北門外卽高山出入者鮮鎮武一門久經封閉民安其舊焉

蕃按鄆邑山高谷深天造險要承平日久民物阜安似無庸設險以守矣然東控吉贛南接桂寧明季寇盜往往出沒無常民遭蹂躪居今鑒往安不忘危責在有司予下車巡城見版築低薄且雨潦略久卽多坍塌雖隨時補修殊非一勞永逸之道固知鄆城所當請修而前政頗弛急在振興遽議工役實所未遑尙冀後之留心保障者相時而舉焉

街巷

正東街自宏文門過城隍祠至南岳廟轉角至五馬坊達

鄆縣志

卷之五

營建志

街巷

二

褒光坊轉角過兵憲坊至縣署前

俗曰衙前

正南街自迎恩門直達青雲館轉角至縣署前

正西街自安濟門過轉街直達縣署前

正北街自鎮武門至常平倉前直達縣署前

公署

縣署宋嘉定四年置縣舊志公署草創規模無可考明洪

武初縣令朱璣重建厥後隨時增修其制頗備中爲大

堂

知縣楊智題曰牧愛堂

堂東爲寅賓館兩腋東西二庫兩旁爲

吏舍中爲戒石亭前爲儀門門前爲贊政亭左爲土地祠右爲監獄又前爲鼓樓外爲照牆大堂後爲二堂二

堂西偏爲書堂

舊曰春風堂  
今曰桂花亭

上爲映宿樓後爲內宅歲

久俱頽康熙六年知縣李朝事捐俸修建規制宏敞頗  
肅觀瞻康熙三十一年知縣龔佳蔚重修大堂嗣後歷  
五十餘年官廨數十間無一完者公堂朽蠹尤甚乾隆  
七年知縣吳嗣正捐俸修葺乾隆二十六年知縣張錫  
組復加整飭乾隆三十年知縣林愈蕃因二堂及內宅  
上漏下濕無復可居捐俸重加修葺其舊制鐘鼓樓寅  
賓館戒石亭贊政亭映宿樓今俱廢

儒學教諭署 在學宮明倫堂後

儒學訓導署 在學宮尊經閣右卽天河書院

鄆縣志

卷之五

營建志 公署 三

典史署 在縣署儀門外左

防守署 在鎮武門正街舊無署千總一員住慧日寺乾  
隆五年千總文元勸邑紳士公置今署

陰陽學 在縣治南 今廢

醫學 在縣治東 今廢

僧會司 在青臺寺

道紀司 在洞真觀

申明旌善 在縣治南 今廢

布政分司 在縣治西 今廢

監獄 在縣署儀門外西旁未創始詳內監三間外監二間又女禁一間別爲門院外爲獄神祠禁卒八名禁外卡房一間防汛撥兵一名住宿門墻如制

按郵政雍正十三年刑部文行覆准斬絞軍流徒犯日給米一升錢五文米於存倉穀石支錢該官養廉墊給赴司於存公項內領還乾隆二年三年先後覆准監犯歲給棉衣扇蓆病給藥斃給棺冬給炭薑夏搭涼蓬酌給茶葉動用自理贓罰贖錢如有不敷於公項內找給

預備倉

在治東

詳食貨志今廢

郵縣志

卷之五

營建志附各建置四

常平倉

在縣署左旁凡三十二間

詳食貨志

西倉 在縣署西旁凡一十五間向因貯監穀設立歲久並未貯穀乾隆二十九年因軍流犯人漸次增多無地安插酌暫以五間居之

養濟院

明初在縣南城外明末兵燹故址無存

國朝

康熙二十五年邑令俞曰都詳復仍在南城外地名榮坊裡置瓦屋一所園土一片魚塘一口以養老疾雍正五年邑人劉國廷因人侵漁具控臬憲有案

按郵政明初定例官建院宇以處孤貧殘疾無告之民照依額數每名歲給米三石六斗每石折銀

五錢另給花布銀三錢 國朝因之定額孤貧六  
名每歲動支公項給發口糧銀共九兩三錢一分  
四厘八毫九絲零又赴司請領撥補銀三兩二錢  
八分五厘二毫乾隆二年定例其有實在孤貧殘  
疾浮於額數者亦收養院內動公給發口糧

育嬰堂 在北城內舊無基地乾隆六年巡撫楊因楚俗  
溺女檄各屬建育嬰堂邑令張方佳以烈山書院現無  
肄業生童暫借爲收養嬰孩處十九年闔邑紳士議復  
書院因捐買民房爲育嬰堂

惠民局 在縣治西明建 今廢

鄆縣志

卷之五

營建志附各建置五

義冢 在縣西三里地名黃土垵順治十三年奉巡撫偏  
沅袁檄各屬立義冢知縣傅繼說勒石通衢

教場 在北城外舊有演武亭明建 今廢

鼓樓 在縣西二十里元廣東按察使司段攀龍建 今圮

五經堂 在縣東五十里邑人尹賓建明禮部尚書尹臺  
記今圮

坊表

以朝代先  
後爲次

恩榮坊 在南城內李祠前爲唐進士李維建

兄弟進士坊 在城東上館四十五里爲宋進士尹邦正

尹邦俊建 今圮

登雲坊 在東城外譚祠前爲宋黃門給事中譚湘建

錫命坊 在南城內爲宋進士任潭州知州陳陸建今圯

進士坊 在南城內爲宋進士任德陽縣知縣陳正卿建

解元坊 在縣□爲宋解元廖□□建今圯

忠直坊 在縣南七十里爲元青草寨興義師安衆唐均

俊建今圯

勅書閣 在南城內李祠後爲明洪武間義士李璣建

折桂坊 在縣治南爲永樂辛卯科舉人陳慎言建今圯

鹿鳴雙唱坊 在縣□爲永樂庚子科舉人彭祖遠譚復

彬建今圯

鄆縣志

卷之五

營建志

坊表

六

勅命坊 在東城外扶祠前爲天順間任應天府江寧縣

知縣扶忠建

勅命坊 在北城內爲天順間任北京豹韜衛經歷劉賢

建今圯

五馬坊 在東城內爲成化時任貴州普安州太守陳翔

建今圯

鳳彩坊 在縣衙左爲成化甲辰科進士翰林院五經博

士授貴州普安州太守陳翔建今圯

畫錦坊 在南城內譚祠前爲成化間任瑞州府教授譚

如春建

麟祥坊 在縣治南爲宏治乙卯科舉人任四川長壽縣

知縣陳叔員建 今圯

世美坊 在北城外爲宏治閒任雲南昆陽州知州吳汝諧建

百歲坊 在縣東三十里爲安治閒邑民尹世勤建 今圯

易侯坊 在縣署前爲嘉靖閒邑令易宗周去思建 今廢

興仁坊 在縣東九都爲明譚九霄建 今圯

褒光坊 在北城內爲明隆慶閒勅贈兵部車駕司郎中

劉泰建

兵憲坊 在北城內爲明太僕寺少卿劉穩建

鄆縣志

卷之五

營建志 坊表 七

奕世簪纓坊 在西城內羅祠前明太僕寺少卿劉穩爲外氏羅雷春建

風憲名臣坊 在縣口爲萬歷甲戌孫繼臯榜進士任陝西按察使賀一孝建 今圯

賜勅優獎坊 在縣西二十五里潘祠前爲任南京豹韜衛經歷隨明太祖北征有功潘思琳建

崇德坊 在北城內明知縣莊大化爲炎帝祠建 今圯

廉明公正坊 在縣署儀門內爲明知縣莊大化建 今廢

旌節坊 在西城外爲羅興恒之妻譚氏建

一門三節坊 在西城外二里雙江口爲羅國相之妻李

氏羅國楨之妻萬氏羅國樑之妻陳氏建

旌節坊 在東城外一里爲尹之珩之妻陳氏建

旌節坊 在縣西十里石鼓舖爲李慶首之妻萬氏建

旌節坊 在縣西五里爲李宗琳之妻譚氏建

旌節坊 在縣南七十里七都漿邨榮昌巷爲陳詩之妻

孟氏建

旌節坊 在縣西十里石鼓舖爲譚振宇之妻尹氏建

旌節坊 在縣西十里石鼓舖爲羅炯之妻譚氏建

津梁

以東南西北爲次

沔渡 在城東十一都三十里官船一隻渡夫一名按季

鄆縣志

卷之五

營建志

津梁

八

給發工食不許索渡錢

車田洲渡 在城西十里衆置田畝以租備舟楫供渡夫

大源洲渡 在城西十里衆置田畝以備舟楫供渡夫

河漠渡 在城西十五里官船一隻渡夫一名按季給發

工食不許索渡錢義船一隻附近諸姓捐貲買田以備

舟楫供渡夫

東江渡 在城西二都二十里雙江口之上渡船一隻鄉

衆倡捐田畝以備舟楫供渡夫里人張汝章張士先張

義鑑張國柱等捐置土五畝二分以資永濟

斜瀨渡 在城西二十里爲邑四達之衝官船一隻渡夫

二名按季給發工食知縣龔佳蔚復捐置四都地名黃沙壟田五畝五分零又義船一隻桂東縣庠生胡元旦捐貲買毛人冲田柒畝陸分付渡夫以濟往來乾隆七年康樂鄉士民公捐銀買田叁拾五畝乾隆十九年一都士民又捐義船一隻衆置田叁拾五畝四項共田捌拾叁畝零立會每歲以田租額支供給渡夫外餘則存爲修理船隻費禁索渡錢以便行旅俱各勒石渡前

胡楊渡 在城西二十五里衆置田畝以備舟楫及供渡夫工食

梘田渡

在城西二都二十五里衆置田畝以爲舟楫供

鄆縣志

卷之五

營建志

津梁

九

渡夫工食

王家渡 在城西二都二十五里官船一隻渡夫一名按季給發工食不許索渡錢又義船一隻鄉衆倡捐田畝以資渡夫春夏水漲舟渡秋冬架橋

樟樹下渡

在城西二都二十五里渡船一隻鄉衆倡捐

田畝以備舟楫供渡夫春夏水漲用渡秋冬架橋

炎陵渡

在城西三十里渡船一隻衆置田畝以備舟楫

供渡夫

霞塘渡

在城西三都三十五里衆倡捐田叁畝七分零

渡船一隻春夏水漲舟渡秋冬架橋不索渡錢

冬藏渡 在城西三十五里衆置田拾畝零以資永濟

瀧泉渡 在城西三十五里衆置田柒畝零渡夫自耕不

索渡錢建造渡屋一所鋪面二所

泥潭渡 在城西四十里衆置田畝以備舟楫供渡夫

江口渡 在城西四十里衆置田畝以備舟楫供渡夫

雙石渡 在城西六十里衆置田畝以供渡夫工食

春江渡 在城西至興寧縣界八十里渡船一隻衆置田

畝租給渡夫

官江橋 在城東上四都五里

鎮背橋 在城東十一都里人尹伯瓚建今圯

鄆縣志

卷之五

營建志

津梁

十

沔渡橋 在城東十一都三十里

白鷺江橋 在城東三十五里里人尹南軒建今圯

廣德橋 在南城外廟前明邑人羅永昌李珩仝建 國

朝乾隆七年羅駿譚顯開重建

南橋 在城南通五都六都要道

鏡泉橋 在城南一里許里人李寰修建今圯

皇恩橋 在城南里人陳華明建

唐公洲橋 在城南三里亭前山水泛漲兩岸土疎沙浮

難以豎石邑人譚衡琮集族建木橋置田立會遇傾圯

隨時修補

橫江橋二處 在城南五都春浪驟漲萬斛奔流過者不免望洋邑人李德成築四墩上架木板衆不病涉

女子廟橋 在城南七都五十里

望仙橋 在城南八都一百一十里乾隆三年項廷信朱進福建因洪水衝頽乾隆三十年信子項世舉福孫朱祖清復建

東麓橋 在城南一百二十里雍正六年里民李宗義建  
南麓橋 在城南一百二十里康熙二十八年里民李蘭建

安濟橋 在西北城外宋紹定三年邑人陳平寧建元泰定

鄆縣志

卷之五

營建志

津梁

十一

元年平寧後裔陳節婦江氏重修知縣李達記乾隆壬戌年水圯羅姓重建

俱載湖南通志

義風橋 在西北城外卽石人橋邑人羅政忠建萬歷間貞女羅氏斗貞重修

晏公橋 在城西六里許瀑布高懸急流湍激與潭水合康熙丁亥年蛟出橋斷邑貢生羅世甲復修之又圯今架木橋以濟行旅

河漢渡永濟橋 在城西十五里春浪驟漲橋收用渡秋冬仍架鄉衆倡捐田畝以資永濟有碑

王家渡橋二處 在城西二十五里上曰鞏固橋下曰福

壽橋衆捐置田畝以資永濟春夏水漲橋收用渡秋冬仍架造廬舍一所於江岸以住渡夫有碑

霞源橋 在城西三十五里衆置田二畝八分以資永濟  
會緣橋 在城西三都五十里同睦墟

路亭

趙公亭 在縣東二十里邑人羅驥建

沔渡垵亭 在縣東三十里

下館亭 在縣東三十五里邑人李成龍倡建

三里亭 在縣南三里邑人譚顯意建

頭巾石亭 在縣南十里

鄆縣志

卷之五

營建志

路亭

十二

官路上亭 在縣南十五里邑人譚顯意建

女子廟亭 在縣南四十里

五里亭 在縣西五里

石鼓舖亭 在縣西十里

霍家亭 在縣西十五里里人霍應昌建

橋頭嶺亭 在縣西三十里邑人羅驥建

夾石亭 在縣西三十五里邑人霍應鍾倡建

陂圳堰塘

原額水陂二十一座 堰塘三口 水圳十四條

南城外陂一座 西城外陂一座

康樂鄉

一都陂二座 水圳二條

二都陂四座內新陂濟 水圳一條 堰塘三口

三都陂六座

常平鄉

七都陂三座 水圳二條 八都水圳三條

霞陽鄉

九都陂四座 水圳四條

十一都水圳二條

三都霞塘載通志 四都壩一座載通志

鄱縣志

卷之五

營建志 陂堰郵舖十三

郵舖

邑郵舖凡三在城曰縣前舖司兵四名城西路十里曰石鼓舖司兵三名城西路二十里曰斜瀨舖司兵三名過此十五里即茶陵州牛路舖

按邑抵衡郡赴長沙省皆必由西路故西路設舖司至於南赴本省郴州桂陽桂東興寧東赴江西省永寧永新龍泉上猶等處皆羊腸一線鳥道轟天各省軍衛道里均不由此故向無郵遞云

防汛

城內專汛駐防千總一員馬步戰守兵三十名

斜瀨渡水塘

沔渡陸塘

按沔渡舊志作水塘攷其地並無通行水路而陸路東達江西永寧龍泉等處今改作陸塘

女子廟陸塘

黃烟堡陸塘

蕃按以上共四塘每塘兵二名塘房一座望樓烟墩俱備遇有風雨損壞印官捐俸隨時補修不許保牌人等串通塘兵藉端派累然此輩防之不嚴或官吝捐資聽其開派實傷政體是又在當事者

鄆縣志

卷之五

營建志

防汛

十四

之視民如傷精明兼到焉

按黃烟堡密邇江西吉安府永寧縣明天順閒江西梅花崗賊蕭彥政孔政聚衆越境剽掠湖廣江西各遣都指揮率兵駐黃烟路防禦三年始靖成化二十二年歲歉永寧寇復來侵掠知縣裘叔登請設軍堡邑人譚九霄復叩閭籲請於是歲撥衡州府百戶一員率軍士五十人駐守前明相循今裁

烟竹堡 在縣南一百五十里界連桂東羣山崩劣中闢一道溪洞相接明世襲附近里人千戶一員以防守之

姓名附後

邱定甫 邱太 邱寧 邱孔珺 邱孔瑚

邱尚文 邱尚仁 邱儒朝 邱財朝 邱魯

邱思齊 舊志遺載諸員攷桂東志補錄

終